



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԷՆԵՐԳԵՏԻԿԱՅԻ ԵՎ ԲՆԱԿԱՆ ՊԱՇԱՐՆԵՐԻ
ՆԱԽԱՐԱՐԻ

Հ Ր Ա Մ Ա Ն Ը

16 փետրվարի 2015 թվականի N..2.6... Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԷՆԵՐԳԵՏԻԿԱՅԻ ԵՎ ԲՆԱԿԱՆ ՊԱՇԱՐՆԵՐԻ
ՆԱԽԱՐԱՐԻ 2009 ԹՎԱԿԱՆԻ ԴԵԿՏԵՄԲԵՐԻ 14-Ի ԹԻՎ 120-Ն ՀՐԱՄԱՆՈՒՄ
ՓՈՓՈԽՈՒԹՅՈՒՆՆԵՐ ԵՎ ԼՐԱՅՈՒՄ ԿԱՏԱՐԵԼՈՒ ՄԱՍԻՆ

Ղեկավարվելով <<Իրավական ակտերի մասին>> ՀՀ օրենքի 70-րդ հոդվածի
5-րդ մասով՝

Հ Ր Ա Մ Ա Յ ՈՒ Մ Ե Մ

1. Հայաստանի Հանրապետության էներգետիկայի և բնական պաշարների նախա-
րարի 2009 թ. դեկտեմբերի 14-ի № 120-Ն հրամանով հաստատված Հայաստանի
Հանրապետության էներգետիկայի և բնական պաշարների նախարարության աշխա-
տակազմի օգտակար հանածոների պաշարների գործակալության պետական ընդեր-
քաբանական փորձաքննության հանձնաժողովի կանոնակարգում կատարել հետևյալ
փոփոխությունները և լրացումը.

1) կանոնակարգի 2-րդ կետը շարադրել հետևյալ խմբագրությամբ.

<<Հանձնաժողովը կազմավորվում է Գործակալության պետի ներկայացմամբ՝ ՀՀ
էներգետիկայի և բնական պաշարների նախարարի հրամանով:

Հանձնաժողովի կազմը բաղկացած է 15 անդամից, այդ թվում՝ վեցը Գործակալու-
թյան և մեկական անդամ հավաքագրվում են Հայաստանի Հանրապետության էներգետի-
կայի և բնական պաշարների նախարարության աշխատակազմի Ընդերքի տրամադրման
գործակալության, Ընդերքի պետական տեսչության, Ընդերքի վարչության և <<Հանրա-
պետական երկրաբանական ֆոնդ>> պետական ոչ առևտրային կազմակերպության
(այսուհետ՝ առանձնացած և կառուցվածքային ստորաբաժանումներ) հաստիքային աշխա-
տակիցներից և հինգը անկախ փորձագետներից:

Գործակալության պետը, Գործակալության պետի տեղակալը, Գործակալության
Հանքավայրերի արդյունաբերական գնահատման, Օգտակար հանածոների պաշարների
և Օգտակար հանածոների պաշարների շարժի բաժինների պետերը և Գործակալության

գլխավոր (կամ առաջատար) մասնագետը Հանձնաժողովի կազմում ընդգրկվում են ի պաշտոնե:

Առանձնացված և կառուցվածքային ստորաբաժանումների հաստիքային աշխատակիցները Հանձնաժողովի կազմում ընդգրկվում են համապատասխան ստորաբաժանման ղեկավարի, իսկ անկախ փորձագետները՝ Գործակալության պետի ներկայացմամբ:>>.

2) կանոնակարգի 11-րդ կետը շարադրել հետևյալ խմբագրությամբ.

<<11. Հանձնաժողովի անդամներն իրավունք ունեն.

- նախապես Գործակալությունում ծանոթանալու Հանձնաժողովի նիստում քննարկվելիք նյութերի ամբողջական փաթեթի հետ,

- մասնակցելու Գործակալության պետական ընդերքաբանական փորձաքննությանը ներկայացված նյութերի աշխատանքային քննարկումներին,

- աշխատանքային քննարկումների ժամանակ և Հանձնաժողովի նիստերում գրավոր կամ բանավոր ներկայացնելու իրենց տեսակետները փորձաքննվող նյութերի վերաբերյալ:>>.

3) կանոնակարգը լրացնել նոր՝ 12-րդ կետով՝ հետևյալ բովանդակությամբ.

<<12. Հանձնաժողովի անդամները պարտավոր են.

- ապահովել նյութերի պետական ընդերքաբանական փորձաքննության ընթացքում ձեռք բերված տեղեկատվության խորհրդապահությունը,

- ապահովել պետական ընդերքաբանական փորձաքննության ներկայացված նյութերի վերաբերյալ իրենց օբյեկտիվ և անաչառ մոտեցումները:>>:

2. ՀՀ Էներգետիկայի և բնական պաշարների նախարարության աշխատակազմի իրավաբանական բաժնի պետին՝ սահմանված կարգով ապահովել սույն հրամանի պետական գրանցումը ՀՀ արդարադատության նախարարությունում:

3. Սույն հրամանի կատարման հսկողությունը վերապահել ՀՀ Էներգետիկայի և բնական պաշարների նախարարության աշխատակազմի ղեկավարին:



ԵՐՎԱՆԴ ԶԱԽԱՐՅԱՆ